


PRÆFATIO.


 Hymiam & Alchimiam sub alterutro nomine, vt plurimum, confundit imperitum vulgus, sed malè, vt etiam solet sub alterutro, vtramque non mediocriter odisse, sæpè tamen non iniuriâ, cum videas quotidie Carboni-perdas Alchymistas, spe conficiendi Aurum inani deludi, cum magna non rarò rerum suarum iactura, vt quoque, Impostores vt plurimum, Chymistas, sub multa promissione, Operum inanes, Crumenimungas fieri intollerabiles, certè in benè ordinata Republica, nimium iste temerarius, ac nimio cum periculo, eorum lusus de Humano Corio non admittendus. verumtamen vt meritò ambobus talibus commune hoc debetur odium, immo Exilium, sic immeritò hoc mulètantur, ac proscinduntur veræ Chymix synceri Alumni, quorum solerti operæ, ac indefesso studio, & benevolentix erga genus Humanum, hoc iam dudum debet Medicina, quod secretiora quædâ, demum è tenebris eruta, multa consecrata sint Posteritati, quibus citius, iucundius, etiam certius fieri possit medela grauissimorum Affectuum. Copiosissima horum in hunc diem excreuit supellex, sed paucula tantum selecta è mul-

è multis huic Libro inarantur, vt ad manum sint, quorum in obuijs ac magnis morbis, & frequens est necessitas, & probata utilitas. Talem experieris quisquis non es Amethodus.

Fœcundissimum Cornu Copiæ quo Chymia ministrat Medicinæ, hos ferè solos largè profudit vtiles Thesauros, videlicet Aquarum, Spirituum, Oleorum, Tincturarum, Extractorum, Sallium, Crocorum, & sub his reductorum, (florum, Præcipitatorum, Sublimatorum) quibus omnibus commune est nomen Quintæ Essentiæ. Omnium ac singulorum exactam conficiendi normam, ac Methodum hic tradere (quod huius instituti limites excederet) non est in animo (quam facile hauriet Philochymicus à Beguino, Quercetano, Salâ, Crollio, Glaubero & alijs, qui ex professo cum laude hanc gerunt Prouinciam) sed tantum, tamquam in horreo, hic ex vberriamâ segete spicilegium reponere eorum, quæ corporibus (sub hoc nostro Cælo degentibus, videbantur esse aptiora, tum ad præsentis Sanitatis tutelam, quam amissæ medelam utiliora; inter hæc Chorum ducent liquida, Aquea, ac Spirituosa, non quidem quæ simpliciora (de quibus in parte prima huius Libri) sed quæ magis composita, & Artificiose inuenta. Atque hoc ex ante dictis in Memoriam

memoriam

moriā reuocandum, nos his vnum aptum conficiendi modum ex multis accepisse ; quod si quis semitam breuiorem, ac minus operosam praxim calleat , non equidem inuidemus, dummodo tamen omnia hæc nostra ingredientia numeri & ponderis & qualitatis eiusdem accipiat, nec alio suo methodo eorum vires infringat, nec minus exhauriat.



F f

De